

清代學術
名著叢刊

廣雅疏證

〔清〕王念孫

撰

張靖偉

云兩張君進表實雅分爲上中下

樊波成馬濤等

校點

爲義或望文虛造而違古義或墨守成訓而懸會通易
簡之理既失而大道多岐矣今則就古音以求古義引
伸觸類不限形體苟可以發明前訓斯凌雜之識亦所
不辭其或張君誤采博攷以證其失先儒誤說參酌而
寤其非以燕石之瑜補荆璞之瑕適不知量者之用心

晉者周公制禮作樂爰著爾雅其後七十子之徒漢初
綴學之士遞有補益作者之聖述者之明卓乎六藝華
書之鈐鍵矣至於舊書雅記詁訓未能悉備網羅放失
將有待於來者魏太和中博士張君稚讓繼兩漢諸儒
後參攷往籍編記所聞分別部居依乎爾雅凡所不載
悉著於篇其自易書詩三禮三傳經師之訓論語孟子
鴻烈法言之注楚辭漢賦之解讖緯之記倉頡訓纂湯

上海古籍出版社

廣雅疏證

一

〔清〕王念孫 撰
張靖偉 樊波成 馬濤 等 校點

上海古籍出版社

圖書在版編目(CIP)數據

廣雅疏證 / (清)王念孫撰; 張靖偉等校點. — 上海: 上海古籍出版社, 2016. 12
(清代學術名著叢刊)
ISBN 978-7-5325-8055-2

I. ①廣… II. ①王… ②張… III. ①《廣雅》—研究 IV. ①H131.4

中國版本圖書館 CIP 數據核字(2016)第 075406 號

清代學術名著叢刊

廣雅疏證

(全四冊)

[清]王念孫 撰

張靖偉等 校點

上海世紀出版股份有限公司 出版
上海古籍出版社

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.co

上海世紀出版股份有限公司發行中心發行經銷

蘇州越洋印刷有限公司印刷

開本 850 × 1168 1/32 印張 64 插頁 20 字數 1,226,000

2016 年 12 月第 1 版 2016 年 12 月第 1 次印刷

印數: 1—1,500

ISBN 978-7-5325-8055-2

H · 142 定價: 358.00 元

如有質量問題,請與承印公司聯繫

本書出版得到國家古籍整理出版專項經費資助

上海交通大學經學文獻研究中心項目

高郵三王著作集

主 編：虞萬里

副主編：黃曙輝

點校人員（以姓氏筆畫爲序）：

王園園 李花蕾 沈毅驊 馬 濤 徐煒君

張 鉉 張靖偉 程羽黑 虞思徵 鄭 蕊

趙思木 樊波成 龔志偉

高郵二王著作集出版說明

顧炎武《日知錄》和《九經誤字》牖導清代校勘、考訂式學術筆記，邵晉涵《爾雅正義》則開啓學者字韻書疏證。乾嘉以還，學者由經而史，而子而集，覃思深研，時術密藝，一時名著如姚黃魏紫，各盡其妍。其中獨樹一幟，卓爾堪傳，傳且能久者，當推高郵王念孫、王引之父子所著《廣雅疏證》《讀書雜誌》《經義述聞》及《經傳釋詞》四種。

王念孫，字懷祖，號石臞，亦作石渠，乾隆九年（一七四四）三月十三日生於高郵里第。幼年隨其父禮部尚書安國寓京，生而穎悟，四歲讀《尚書》，隨口成誦，已有神童之目。十歲讀遍十三經，旁涉史籍。二十一年（一七五六）安國延請碩儒戴震館於家，使念孫從學。相從一年，念孫問震曰：「弟子將何學而可？」震沉思良久而曰：「君之才，竟無所不可也。」期許甚高。二十二年（一七五七）遭父喪，扶柩歸里，從同邑夏嘯門學舉業。服闋，應童子試，州試第二，府院試皆第一。年十九，娶吳恭人。此後數年，與江都汪中、寶應劉台拱、興化任大椿、歙縣程瑤田等書札往返，討論古學。三十年（一七六五）乾隆巡幸江南，

念孫以迎鑾獻頌詔賜舉人。明年會試不第，在京購得江永《古韻標準》，始治古韻之學，返里後取三百篇反覆尋繹，分古韻爲二十一部。後兩試春闈皆不第，在京得謁朱筠之門，與談六書精義，始研治《說文》字學，並爲朱筠校正小徐本《說文》《大戴禮記》等。四十年（一七七五）中進士，殿試賜二甲第七名，改翰林院庶吉士。旋乞假歸里，獨居於鄉邑之湖濱精舍，窮蒐冥討，著述盈箱，爲日後著《廣雅疏證》《讀書雜誌》等奠定學術基礎。四年後入都，供職翰林，恒日手一編，不與人事。次年補行散館，以試《日處君而盈度賦》列一等第五名，奉旨任工部都水司主事，自是與治水結不解之緣。因字學精深，於四十七年（一七八二）充任四庫全書館篆隸校對官，成就卓著。四十九年（一七八四）補工部虞衡司主事，次年，擢工部營繕司員外郎，保送御史。明年，擢工部製造庫郎中。五十二年（一七八七），奉旨從工部侍郎德曉峰往勘浙江海塘工，次年，補陝西道監察御史，明年，轉山西道監察御史，又轉京畿道監察御史。嘉慶二年（一七九七），轉吏科掌印給事中。四年（一七九九）正月，密草奏疏《敬陳剿賊事宜摺》彈劾和坤，指責和坤受乾隆「知遇之隆，位居台輔，爵列上公，不思鞠躬盡瘁，惟知納賂營私，圖一己之苞苴，忘國家之大計，金錢充於私室，鋪面遍於畿輔」，謂「和坤之罪不減於教匪。內賊不除，外賊不可得而滅也」，並以乾隆比帝堯，嘉慶比虞舜，而將和坤況共工、驩兜，直逼嘉慶誅殛和坤。佞臣伏法，天下稱快，

念孫亦因此英名遠播。旋奉命巡視淮安漕務，特授直隸永定河道，九年（一八〇四），予四品頂戴，實授山東運河道，十三年（一八〇八），調任直隸永定河道。嘉慶十五年（一八一〇），永定河洪水泛濫，兩岸同時滿溢，念孫具奏，自請治罪，得旨以六品休致。適長子引之自河南學政歸，乃迎養於京邸。自後除隨引之往濟南學署數年，皆在京城生活。晚年嘗病手足偏枯之疾，猶忘憂忘食，銳意著述，終成《讀書雜誌》八十四卷。道光十二年（一八三二）正月二十四日，卒於北京寓所，年八十九。

念孫一生著作豐贍，《廣雅疏證》《讀書雜誌》外，已刊者尚有《方言疏證補》一卷，《釋大》八篇，《毛詩群經楚辭古韻譜》二卷，《王光祿遺文集》六卷，《王石臞先生遺文》四卷，《王石臞文集補編》一卷，《丁亥詩鈔》一卷，《春圃府君行狀》一卷，未刊稿本有《雅詁表》二十一卷，《爾雅分韻》四卷，《方言廣雅小爾雅分韻》一卷，《古音義雜記》不分卷，《雅詁纂》一卷，《疊韻轉語》不分卷，《周秦韻譜》一卷，《兩漢合韻譜》十七卷，《諧聲譜》二卷，《古音索隱》不分卷，《雅音釋》一卷，《逸周書戰國策合韻譜》一卷，《說文諧聲譜》不分卷，《諧聲表》二卷。其他《群經字類》《六書正俗》《說文考正》《讀說文札記》等，雖未定稿成書，而經義卓見，皆爲日後著作所取資。其校讀他人著作，時有簽記，後人輯錄，因有《爾雅郝注刊誤》《說文段注簽記》等，亦可窺見王氏學術見解。

王引之，字曼卿，又字伯申，念孫長子。乾隆三十一年（一七六六）三月十一日生於高郵里第。生而弱小，幼而聰穎，五歲啓蒙，篤志於學。年十七，補博士弟子員。旋進京侍父，入國子監肄業。年二十一，應順天鄉試不售。次年歸里侍母，從事文字、聲音、訓詁之學，日夕取《爾雅》《說文》《方言》《六書略》《六書故》等研讀求索，於諧聲一端特有見解。復研習顧炎武、江永、段玉裁之小學著作，折衷其父《毛詩九經音》之旨，於古韻有較深之領悟。同時撰《周秦名字解詁》一書，後收入《經義述聞》中。乾隆六十年（一七九五）順天鄉試，策問五經小學，古韻部分異同，以條對出人意表，援證詳賅，斷論精確中式。嘉慶四年（一七九九）及第，會試、殿試以一甲三名賜進士，授翰林院編修。六年（一八〇一）散館簡放貴州正考官，八年（一八〇三）大考擬潘岳《籍田賦》，欽取一甲三名，擢侍講，旋充日講起居注官、詞林典故館總纂，簡放湖北鄉試正考官。嘉慶十二年（一八〇七）、十九年（一八一四）先後簡放河南、山東學政，頗有政績。二十二年（一八一七）奉命往福建治李廣芸被誣自經之獄，使李氏冤情得以昭雪。此後十年，遷轉禮部、吏部、刑部、戶部左右侍郎，充仁宗實錄總裁官、國史館總裁、經筵直講大臣等。道光七年（一八二七）擢工部尚書，八年（一八二八）署吏部尚書，十一年（一八三一）署工部尚書。十四年（一八三四）十一月廿四日，以工部尚書卒於京城寓所。

引之所著有《經義述聞》與《經傳釋詞》二種，及《廣雅疏證》卷十上、下「釋草」以後部分，《字典考證》十二卷，《王文簡公遺文集》八卷，《石臞府君行狀》一卷，《王伯申文集補編》二卷等。

《廣雅疏證》十卷，王念孫撰，附王氏校正隋曹憲《博雅音》十卷。爲念孫第一部用力之作。經始於乾隆五十三年（一七八八）八月，稿成於嘉慶元年，歷時八載。嘉慶初年有王氏家刻本，道光以後，淮南書局據家刻本重刊，《清經解》與《畿輔叢書》亦如是。民國時，《叢書集成初編》據《畿輔叢書》本影印，《四部備要》則據家刻本排印。一九八三年上海古籍出版社據上海圖書館所藏嘉慶本影印，附以羅振玉《殷禮在斯堂叢書》本王念孫《廣雅疏證補正》。一九八三年中華書局據家刻本影印，參校《畿輔叢書》本斷句，後附《廣雅疏證補正》。一九八四年江蘇古籍出版社以家刻本爲底本影印，前有徐復所撰《弁言》，《清儒學案》卷一百一王念孫、王引之傳，後附《廣雅疏證補正》及詞目索引。

《讀書雜誌》八十二卷，《餘編》二卷，王念孫撰。係於經部之外對史部如《逸周書》《戰國策》《史記》《漢書》《後漢書》，子部如《管子》《晏子春秋》《墨子》《荀子》《淮南子》《老子》《莊子》《呂氏春秋》《韓非子》《法言》，集部如《楚辭》《文選》和部分漢碑所作校勘與考訂。書繼《廣雅疏證》之後，於嘉慶元年開始陸續撰寫，十七年後陸續付梓，至道光十一年（一

八三一）撰畢刊成。其中《後漢書》和《老子》以後數種係其歿後長子引之從遺稿中檢尋編成，次年附刻於後，殆屬未成之稿。《雜誌》校正各書傳寫譌誤、衍奪、倒文計二千數百條，並於《淮南子雜誌》後總結古書譌誤之例六十二條，足爲校勘古書之範式。同治九年金陵書局據家刻本重刊，光緒間鴻文書局、點石齋、鴻寶齋皆取家刻本付石印，一九三〇年商務印書館排印後收入《萬有文庫》，一九三三年商務印書館《國學基本叢書》、一九八五年中國書店皆據《萬有文庫》本影印。一九八五年江蘇古籍出版社亦據家刻本影印，一九九一年中華書局據金陵書局本斷句影印。道光九年嚴杰纂輯《清經解》，選取《讀史記雜誌》和《讀漢書雜誌》中有涉經義者若干條，編爲二卷，次於所收《廣雅疏證》後。光緒十四年王先謙編《清經解續編》，以《逸周書》爲《尚書》類文獻，故收入《逸周書雜誌》四卷。

《經義述聞》三十二卷，王引之撰。書係對《周易》《尚書》《毛詩》《周官》《儀禮》《大戴禮記》《禮記》《春秋左傳》《國語》《春秋公羊傳》《春秋穀梁傳》《爾雅》十二部經典之校勘和語詞考釋，重點在補正古書中訓詁後人未能發明者。另有《春秋名字解詁》和《通說》，前者發明古人名與字之關係，爲《春秋左傳》之附屬，後者下卷總結古書譌誤、古書文義和文字假借規律，揭示後人誤解誤改古書實例，如《經文假借》《語詞誤解以實義》《經義不同不可強爲之說》《經傳平列二字上下同義》《經文數句平列上下不當歧異》《經文上下兩義不

可合解《衍文》《形譌》《上下相因而誤》《上文因下而省》《增字解經》《後人改注疏釋文》等，於理解、閱讀古書大有裨益。全書二千三四百條，雖重在訓詁，而校正其中之譌字、倒文、衍奪竟有六百餘條。王氏父子所刻《雜志》與《述聞》，以統一版式，成書一種或一部即付梓，有所增補則重刻，最後彙集拼合，故《述聞》有數種版本。初刻於嘉慶二年，不分卷；重刻於嘉慶二十二年，增補二百數十條，分爲十五卷；三刻於道光七年，增補五百餘條，釐爲二十三卷；之後數年又刻《爾雅》《太歲考》《通說》及前曾刊刻復又增補之《春秋名字解詁》，總爲三十二卷，至道光十年完成。《清經解》刊成於道光九年，所收無《太歲考》二卷與《通說》二卷，故僅二十八卷。及三十二卷本刊成，學海堂又於卷一千二百零七後增刻《通說》二卷爲卷一千二百零七中、卷一千二百零七下，實爲三十卷。或因《太歲考》無法疊牀架屋且非純粹之經學，故舍之不補。一九三六年中華書局《四部備要》據家刻本排印，一九八五年江蘇古籍出版社據家刻本影印。

《經傳釋詞》十卷，王引之撰。書係擇取九經、三傳及周秦、西漢之書中虛詞一百六十條，參互比勘，予以解釋。以古聲紐喉、牙、舌、齒、唇序次，使人易於理解古代語辭之聲韻關係。前有引之嘉慶三年（一七九八）與阮元嘉慶二十四年（一八一九）之序，蓋其書萌於嘉慶初年，撰於十六年至二十二年，刻成於嘉慶末年。道光二十一年（一八四一）錢熙祚

校勘刻入《守山閣叢書》，後鴻文書局、成都書局等多據錢本翻刻、影印或排印。

王氏父子著作留存於世者數十種，然其生前定稿付梓者主要即此《廣雅疏證》《讀書雜誌》《經義述聞》《經傳釋詞》四種。二百年來，薪傳學者，播譽人口，非唯成二王之代表作，抑亦爲乾嘉之學術名著。然雖翻刻、影印，一而再三，至今竟無四種一式之整理本。茲取家刻本爲底本，參取各本優點，以閱讀參考爲要旨，不作繁細校記。古人引書，往往隨心所欲，以致五花八門，故利用標號與點號本身功能，兼顧版式疏密美觀，在儘量統一前提下，稍有變通，使文意層次邏輯清晰，並列專名合理區別，期收原著本意畢現之效。其有曲解二王文意而產生之譌誤，敬請讀者不吝指正，謹先此致謝。

二〇一三年十一月七日 虞萬里於榆枋齋

《廣雅疏證》整理本序

虞萬里

《廣雅疏證》（以下簡稱《疏證》）十卷，爲「高郵王氏四種」之一，王念孫著。

《廣雅》三卷，曹魏博士張揖纂輯。東漢以還，古文興起，凡博學而通古今字指，善《倉》《雅》、蟲、篆之學者，多拜博士，若蘇林、邯鄲淳等者是。揖字稚讓，清河人，好《倉》《雅》之學，明帝太和中博士。揖雖推崇《爾雅》，以爲其「文約而義固」、「精研而無誤」，爲「七經之檢度，學問之階路，儒林之楷素」，然其「包羅天地，綱紀人事，權揆制度，發百家之訓詁，未能悉備也」。蓋以兩漢今古文經師及諸子百家訓故遺逸甚多，乃「以所識，擇擇羣藝，文同義異，音轉失讀，八方殊語，庶物易名，不在《爾雅》者，詳錄品覈，以著于篇」，彙成《廣雅》三卷。南北朝時有分爲四卷者，隋秘書博士曹憲因之爲音，避煬帝楊廣諱，更名《博雅》。唐時有將曹書分爲十卷者，宋時《廣雅音》一卷、三卷，《博雅》十卷並存，而憲之音已附入正文之下。唯此書一千五百餘年來爲音者曹憲一家而已，而傳抄多途，分合無常，故魯魚豕亥，舛譌而難以卒讀。懷祖疏證，即據十卷本，而以篇幅繁重，每卷復分上

下，實二十卷，都八十餘萬字。茲僅從王氏撰作因緣、起訖時間、卷十作者、補作與研究及《疏證》宗旨諸方面略作申述。

一、王念孫撰著《廣雅疏證》因緣

學者之學術道路，一生之撰述，跡其始末，皆有因緣。王引之記懷祖從師於戴東原云：「戴東原先生，當代經師，家父所師事也。……家父嘗問東原先生曰：『弟子將何學而可？』先生沈思久之，曰：『君之才，竟無所不可也。』其器重如此。」〔一〕考戴氏始究《方言》之年，段玉裁《戴譜》繫之乾隆二十年（一七五五），王安國延戴震爲懷祖師在二十一年，是則東原教授懷祖時，於《方言》一書必多所論及，甚或以之爲啓蒙教授內容之一。時懷祖方讀十三經畢，且旁涉史傳，於《方言》當是初識。然彼以齟齬之齡，「無所不可」之才，對《方言》必深有印象。戴氏《方言疏證序》云：「許慎《說文解字》、張揖《廣雅》多本《方言》，而自成著作，不加所引用書名。」〔二〕此研究獨得之秘，亦必傳與懷祖，故懷祖自幼

〔一〕王引之《光祿公壽辰徵文啓事》、《王伯申文集補編》卷上，羅振玉輯《高郵王氏遺書》，江蘇古籍出版社二〇〇〇年版，附錄，第二二頁下。

〔二〕戴震《方言疏證序》，《戴震全書》第三冊，黃山書社二〇一〇年版，第六頁。

對諸書殊感興趣。二十六歲會試落第，在京師囑李文藻覓汲古閣北宋本《說文解字》，以書價高，竟稱貸而購，欲以「發明字學」，斐然有述作之志。^{〔一〕}此後數年，用功於《說文》，遂精於小學，爲友朋所稱道，並深得朱筠器重。乾隆三十八年，佐朱筠校勘小徐本《說文》並爲作敘。復於朱氏椒花吟舫撰成《說文考異》二卷。四十年成進士，歲末歸里，居湖濱精舍，以著述爲事，尤致力於《說文注》。^{〔二〕}四十一年，段玉裁在富順縣始作《說文解字讀》長編。富順與高郵，相去千里之遙，至今未見有段、王往來書翰。段氏於此年六月刻成東原《聲韻考》，八月寄《六書音均表》三部及銀四十兩還東原。^{〔三〕}附翰是否述及《說文解字讀》一事，東原是否轉述與懷祖，今皆無史料可徵。然懷祖里居湖濱精舍，傾力於著述，前後達四年。其精研《說文》，校注《說文》，已傳聲師友，播譽學林，翁方綱、桂馥皆欲一睹

〔一〕 李文藻《送馮魚山說文記》，《南澗文集》卷上，《功順堂叢書》本，第二十六葉。

〔二〕 賈田祖有《丙申孟冬同李成裕過王懷祖庶常湖西別業時懷祖正注許氏說文奉贈三首》詩，可證懷祖此時曾注《說文》。《賈稻孫集》卷四，《四庫未收書輯刊》第拾輯第二十八冊，北京出版社二〇〇〇年版，第六一一頁下。

〔三〕 段玉裁《刻聲韻考序》，《經韻樓集》卷六；劉盼遂《段玉裁先生年譜》，《經韻樓集》附，上海古籍出版社二〇〇八年版，第一二三、一二四、四四一頁。

其著而竟未得。〔二〕而懷祖忽已不再廣續其事，轉著《釋大》二十餘篇，復移情作《方言》校本，〔三〕前後轉捩，頗引人致思。

戴氏館王家時已研究《方言》，至四十一年完成《方言疏證》後，旋即謝世。孔繼涵爲刻於《微波榭叢書》中。懷祖乾隆四十四年在湖濱輯校《方言》，有稿本。明年入都，輯校本爲丁小雅錄去，小雅又轉與盧文弨學士。懷祖在京師，獲乃師戴震《方言疏證》刻本，與之相校，互有異同。〔三〕此後八九年間，入館學習，出任四庫館篆隸校對官，散館任工部都水司主事，升任工部營繕清吏司員外郎、製造庫郎中，校勘《河源紀略》，往勘南河攔黃壩、

〔二〕翁方綱《送吳亦山進士歸襄陵序》，《復初齋文集》卷十二，《續修四庫全書》第一四五冊，第四六六頁下。又桂馥於乾隆四十九年十二月鈔得王念孫所校《說文》校記一百十九條，視爲至寶。見王念孫《說文解字校勘記》前桂馥引言與末之許瀚識語，《續修四庫全書》第二一二冊，第一——一〇頁。

〔三〕王引之《光祿公壽辰徵文啓事》云：「東原先生官於京師，校揚子《方言》。家君旋里亦校是書，後至京師，攜所校與戴校本對勘，則所見多同，其小異者一二事耳。」《高郵王氏遺書》，附錄，第二二頁下。

〔三〕中國科學院圖書館藏有王念孫手校戴氏《方言疏證》殘本七卷，上有硃墨兩色批校，此即王引之云「攜所校與戴校本對勘，則所見多同，其小異者一二事」之語所本。關於王念孫手校戴本情況，可參見華學誠《王念孫的方言研究》，《揚雄方言校釋論稿》第五章，高等教育出版社二〇一一年版，第一三三——一五一頁。